

cerit, tractatio sine mora interrumpenda, & universim curandum est, ne ideo actus judiciales retardentur.

CAPUT XXVIII.

De Arbitris.

§. 294.

Integrum esto litigantibus in Arbitrum cōm̄ promittere: non aliter tamen validum erit compromissum, quam si scripto consignatum fuerit. Quo facto uni parti sine alterius consensu ab illo recedere ne liceto.

§. 295.

Nemo Arbitri Officium suscipere, qui vero suscepserit, litem dirimere tenetur.

§. 296.

Arbiter formam procedendi, de qua inter partes conventum erit; si vero nihil præscripserint, eam, quæ in præsenti ordine iudicario præfinita est, observato.

§. 297.

Partes sententiæ Judicij arbitrativi stare tenentur, nisi pacto expresso regressum ad Judicem ordinarium, vel beneficium appellationis sibi reservaverint, aut vero de manifesto dolo, vel de eo, quod arbiter ordinem judiciarum aut modum procedendi per partes conventum non observaverit, constet.

§. 298.

Reservata pacto expresso a Sententia Judicij arbitrativi appellatio sub Termino per pactum regulato, si vero de nullo Termino conventum fuit, intra dies 14. ab intimatione Sententiæ Judici superiori porrigitur, tardius non recipienda. Querela quoque de dolo, aut neglecto Processus Ordine in terminum 14. dierum a die comperti doli, aut neglecti Ordinis processualis numerandum, movenda est. Regressus autem a Sententia Judicij arbitrativi ad ordinarium Judicem, nisi terminus pacto

ex-

expresso præfixus sit, a mero partium arbitrio
dependet.

C A P U T XXVIII.

De Arresto personali.

§. 299

Ante litis decisionem executio quidem con-
cedi non potest, arrestum tamen, id est
prehensio personæ contra illos locum habet,
qui velut ceteroquin vagi, ac domicilio de-
stituti de fuga ob contractum æs alienum sus-
pecti fuerint, de quibus solis proinde dispo-
sitio totius hujus capitatis intelligenda venit.

§. 300.

Si in hoc caſu prehensionem debitoris im-
plorans talia documenta adduxerit, quæ, si
a debitore recognita essent, vim plenæ pro-
bationis contra eundem obtinerent, arrestum
ſine dilatione concedendum est.